

遼東文獻徵略

一

410 410
5 9426
11-4



遼東文獻徵略

許成琮署



丁卯鑿板
不許複製

遼東文獻徵略敘錄

敘曰周禮職方氏東北曰幽州其山鎮曰醫無閭鄭注云醫巫閭在遼東此言東北地理之最古者遼東之名始見於史記燕世家及匈奴列傳特語焉不詳自東晉以後遼東一隅淪於異族燕慕容氏渤海大氏亡也忽焉無足述己金清二代奮跡東北前者則橫厲中原後者則統一區夏以遼東爲豐沛舊鄉崇隆備至然考之金史地理志盛京通志皆因書闕有間紀載多疏蓋考求東北地理之難有如此者以蒙所知唐賈耽邊州入四夷道里記記載東北方隅里到精塙可據不得以寥寥短篇少之餘如宋許充宗之奉使行程記洪皓之松漠紀聞清楊賓

敘錄

之柳邊紀略胥爲考證東北地理必讀之書而前人罕稱引之何耶金人元好問撰中州集錄遼東人之詩百餘首而盛京通志所錄乃甚寥寥至如王遵古王澹之徒皆金人之卓卓者亦於人物志無傳其疏略可知已鐵保熙朝雅頌集盛昱八旗文經所錄八旗人之詩文大半爲遼東先正之作以其成書於修志之後尙有待於補苴類此者非一事也光緒十八年李桂林等所撰吉林通志考究東北地理持論精覈能詳人之所不能詳近人興義景明久方視有考證東北地理之劄記所論亦至堅塙瀋陽世仁甫先生撰靜觀齋叢錄甄錄遼東先正之作得數十首竊用稱歎此熙朝雅頌之嗣音也過此以往則未之有



知北遊以來從公餘暇博稽古書參以目驗歲月不居得若干
事次爲八卷題曰遼東文獻徵略文謂典籍獻謂賢者凡所甄
采必有依據故曰徵也隨筆摭拾不成條貫故曰略也雖復浚
深未深舉一遺百然於荒渺無稽之譏勦說雷同之病庶幾免
焉訓方之學其事至艱率爾操觚詎有一當然學問者天下之
公器非一人所得私舉吾之所知以告人則人可因吾之所已
知以求其所未知因端竟緒沿流溯源則來日之所得或有倍
蓰什伯於今日者且蒙書之疏舛或有甚於昔賢不表曝於當
世以博求通人之謔正則亦何從而知其失乎語曰後生可畏
來者難誣茲編所述胥由鈔最而成網羅放失體同筭記至於

整齊排比勒成一方令典垂爲百年不朽之盛業則有待於方
聞之彥而非蒙之所敢知稽撰目次具如左方

卷一 郡邑

遼東

襄平及遼陽故城考

清太祖建置東京城始末

遼陽非渤海國都

昌黎

附韓昌黎先生本貫考

柳城

白霧

敖東城

黃龍府

甯江州

渤海國

挹婁

三韓

奉天省府廳州縣建置考

卷二 山川

長白山

千山

錄

冷山

黑水

卷三 金石^上

母丘儉丸都紀功碑

高句驪好大王碑

遼朔州節院使張正嵩墓志

遼濟州刺史張思忠墓志銘

金上京寶勝寺碑

金東京清安寺碑

金贈光祿大夫張行願墓志

金宜州奉國寺碑

明昭勇將軍崔源墓志銘

明遼陽天王寺碑

明孫磐母曹孺人壙記

卷四 金石 下

義州萬佛堂造象記

遼匡義軍節度使印

金誥王印

金熟伽泊猛安印

金完顏希尹墓碑

錄

四

明驃騎將軍楊公墓志

卷五 人物 上

漢末三賢

管寧 邴原 王烈

趙至

東丹王

熊岳王氏

王政 王遵古 王庭筠 王曼慶

王滄

賀欽 子士 附

遼東三老

李鍇 戴亨 陳景元 馬長海

王爾烈 子志 鯨 志翰 附

卷六 人物 下

中州集 凡十四人

劉仲尹 高憲 李獻可 高德裔 劉光謙 張澄

邢具瞻 馮文叔 張汝霖 張楫 龐鑄 田錫 李

經 耶律履

熙朝雅頌集 凡十一人

吳興祚 李輝祖 高其佩 劉廷璣 附 羅景 高其倬

敘 五

朱倫瀚 朱孝純 尹繼善 唐英 甘運源 張廷弼

卷七 典籍

松漠紀聞

拙軒集

遼東志

扈從東巡日錄

柳邊紀略

盛京通志

遼東先正著述考

卷八 雜錄

清建國考 世系 汗號 國號

清建國別記

八旗 水師營附

寄籍諸氏

清代作者 詩家 文章家 畫家

瑣記 九則

顏氏家訓 李氏尙史 張鳳儀墓 呂用晦子孫 孫

馮翼 黃雅林 千山和尙 任宏嘉 徐璵齋

民國十五年四月遼陽金毓黻識

凡例

一近時藩鎮割據多以方隅自號如吾遼東則稱東北實嫌廣

漠攷漢之遼東郡全有今奉天一省之地

本李氏
桂林說

此明代設

遼東都司之所本方輿紀要以東北諸族部附於遼東諸城
邑之後亦取此義本編所述以奉天省舊事爲夥故以遼東
命名而以吉黑兩省及東蒙故實附益之

一本編所述諸事多係隨筆摭拾故無一定體例既有所知則
述之不厭其詳苟無所知則概從闕略但於一事而求其備
不於事事而期其全蓋劄記體與專門著述不同也意在供
他日修志者漁獵採伐之資非敢侈言述作

凡例

七

一前人考東北地理者每多疏舛尤以遼金二史地理志爲最
盛京通志因訛承訛疑誤後學匪淺如挹婁國忽汗城黃龍
府皆在吉林省境內而舊志云皆在奉天省清始祖所居之
地本在長白山附近而舊志以吉林省之敖東城當之皆所
謂差之毫釐謬以千里者本編郡邑一門於此辨析最詳卽
有前人已考見及此而引證未備者亦復不憚辭費一一辨
之

一前人考論東北山川者以未身履其地殊多鑿空之論如長
白山本因終年爲積雪所掩一望皆白得名而論者乃謂此
山爲白衣觀音所居草木禽獸皆白色則臆說矣又黑水本

爲松花江之別稱洪忠宣謂以掬其水色微黑得名於是唐人置黑水府之言始有著落而論者以今之黑龍江當之不知其在極北爲國人足跡所罕至也本編山川一門於此辨析亦詳依此求之其疑誤而待正者更不知凡幾矣

一青浦王氏金石萃編考論前代碑版首列原文次繫證義使讀者不必覓求原拓而本末兼具其法最善本編金石一門壹遵王氏之法分晰疏舉多爲從前未見之本足補史乘之闕致足珍貴

一人物門列舉諸氏多爲文人逸士或其行誼學術爲世人不盡知者博考諸書有見必錄隻字不遺如邴原所居之三山

凡例

八

趙至所居之遼東皆爲疏舉多證務求其實金史闕王遵古

傳

金史王政傳云子遵古有傳而今本無之

可用元遺山所撰王黃華墓誌及中

州集遼古小傳補之遼東三老中之戴亨行誼無考可以金

兆燕所撰戴梓傳補之

梓爲亨之父

類此者甚多蒐集之際頗費

尋檢

一前古紀遼東故實之書寥寥可數唐賈耽邊州道里記宋許充宗奉使行程記僅記奉使道里著墨不多惟洪忠宣居冷山最久紀載在金國見聞卷帙頗富然以出境有禁不得携歸南方遂至散佚今所傳松漠紀聞二卷乃其晚年追錄之作物具大略而已然在今日考雜林故事者必以此書爲依

據良以所紀胥由目覩而來故可貴耳至遼東先正自著之書可攷見者亦不下數百種乃從無一人爲之揆別爬疏撰列一表以資來學之訪求者茲編特立典籍一門甄敘終始粗明條貫補遺輯佚尙有待於方聞

一考徵文獻門類至繁本編各門僅舉所知以入錄非求備體前已言之矣凡不屬於郡邑山川金石人物典籍五門者併爲一門題曰雜錄不立專名以免不能徧舉之失

一本編爲草創之稿罣漏殊多並世通儒碩學如肯繩愆糾謬自當應時改正其有遼東文獻故實爲本編所不及述者尤望委曲開示以便賡續纂輯於再版時增入

凡例

九

一本編所述僅能舉其崖略尙擬博訪周諮別撰分類詳本懸定之目曰耆獻錄曰文徵曰詩徵曰金石志特以篇帙繁重殺青需時先刊此編以餉讀者

引用書目

史記

新唐書

漢書

遼史

後漢書

金史

三國志

元史

晉書

明史

魏書

東華錄

隋書

魏略輯本

北史

渤海國志 唐宴

舊唐書

契丹國志

引用書目

十

大金國志

遼東志

明紀 陳鶴

盛京通志

清朝全史 日人稻葉君山

吉林通志

通典

瀋陽縣志

續通典

開原縣志

續通志

甯安縣志

文獻通考

遼陽鄉土志

皇朝續文獻通考

吉林地理紀要 魏聲餘

讀史方輿紀要 顧祖禹

八旗通志 鐵保等

大清一統志

賈耽邊州道里記考實 吳承志

松漠紀聞 宋洪皓

中州集 元好問

北盟會編

拙軒集 王寂

京東考古錄 顧炎武

谷音 杜本

中國史 呂思勉

熙朝雅頌集 鐵保

東洋史 王桐齡

國朝詩別裁集 沈德潛

清建國別記 章炳麟

日知錄 顧炎武

國朝先正事略 李元度

經世文編 賀長齡

國朝詩人徵略 張維屏

昌黎先生集

國朝耆獻類徵 李桓

元遺山文集 元好問

水經注

潛研堂全集 錢大昕

引用書目

十一

金石萃編 王昶

嘯亭雜錄 清宗室昭璉

東三省古蹟佚聞

諸葛忠武侯誌 劉廷璣刊

四庫全書簡明目錄

汪氏雙節堂贈言叢刻 汪輝祖

歷代名人年譜 吳榮光

詞科掌錄 杭世駿

明督撫年表 吳廷燮

八旗文經 盛昱

歷代輿地圖 楊守敬

白山詞介 楊鍾羲

畫禪室隨筆 董其昌

湖山雜詠 王緯

閱微草堂筆記 紀昀

靜觀齋叢錄 世榮

隨園詩話 袁枚

瓜圃叢刊敘錄 金梁

同遊千山詩錄 王爾烈

中國美術 戴嶽譯本

輿地釋略 景方和

梵天廬筆記

引用書目

十二

遼東文獻徵畧卷一

遼陽金毓黻撰

郡邑第一

遼東

漢書地理志遼東遼西二郡皆秦置讀史方輿紀要遼東爲古冀青二州地舜分冀東北爲幽州卽今廣寧以西地青東北爲營州卽今廣寧以東地春秋戰國并屬燕秦置遼東遼西二郡漢初因之毓黻按遼東遼西之名初不以在遼水之東西而分漢之無慮縣在遼水西仍隸遼東郡周禮職方氏鄭註醫巫閭在遼東巫閭與無慮同音無慮以爲閭山所在得名今奉天省

北鎮

舊名廣寧

錦義等縣皆漢無慮縣地亦皆在遼水西卽其明證

况前乎此者遼東地方實兼賅遼西在內初無東西之分史記蘇秦傳秦說燕文侯曰燕東有朝鮮遼東此遼東之名初見於古籍者又燕世家燕王喜二十九年秦攻拔薊燕王亡徙居遼東三十三年秦拔遼東虜燕王喜滅燕此所徙居之遼東蓋在遼水以西去薊都近故徙居之若去薊都千餘里而遠徙於遼水之東恐非當日情實項籍分封諸王徙燕王韓廣爲遼東王都無終無終爲漢右北平縣治今之直隸玉田縣去薊甚邇非遼西郡所屬猶曰遼東則知其所包之地廣矣明代因元遼陽等處中書行省之舊域置遼東都指揮司東至鴨綠江南至旅

順海口西至山海關西北至大寧廢衛東北至建州衛據方輿紀要

斥地千餘里跨遼水東西兩岸概名之曰遼東從其朔也嘉靖重修

遼東志云遼東也以其遠在九州之東故名遼東又兼遼西而言此言得之李氏桂林云漢遼東郡全有今奉天一省之地此

猶就分遼東遼西後言之非其朔義蓋古帝王宅京於冀幽并雍遼地適當其東

故以幽薊以東之地被以是名非以在遼水之東而名之也故

渝關以東三省之地及熱河東部或稱東北或稱滿洲皆非是

名從其朔宜名遼東

襄平及遼陽故城考

漢書地理志遼東郡秦置縣十八有襄平有遼陽襄平縣郡治

也據續志自來考襄平遼陽者言人人殊襄平故城方輿紀要謂

在遼陽都司北七十里大清一統志謂在今遼陽州北而遼東

志則謂在遼陽城西北隅故定遼左右後三衛治盛京通志本之遼陽

故城一統志謂在今遼陽州西北界承德遼陽之間梁水渾河

交會之處今遼陽州則遼金之遼陽也近人楊守敬歷代輿地

圖則以漢遼陽故城即在今遼陽縣城此皆因去古綿遠不能

確指其地乃約略言之非定論也愚謂其地既不能確指當以

山川方位考之城邑有遷廢而山川無改易故也水經大遼水

出塞外衛白平山當依山海經郭注作衛皋山東南入塞過遼東襄平縣西

注遼水西南流逕襄平縣故城西又小遼水出遼山西南流逕

遼陽縣與大梁水會又西南逕襄平縣為淡淵又逕遼隊縣入

大遼水襄平在遼水東故經云大遼水過襄平縣西注云遼襄平縣故城西水經爲三國時人所作據東原說襄平之名尙存故云過襄平縣迨至後魏已無襄平之名故又云遼故城也襄平在南遼陽在北故小遼水西南流始遼陽繼遼襄平此就山川方位可考定者一也三國魏志後漢末公孫度襄平人爲遼東太守後自立爲遼東侯平州牧治襄平至其孫淵魏明帝景初二年遣司馬懿征之淵遣將軍卑衍楊祚等步騎數萬屯遼隊圍塹二十餘里魏軍穿圍引兵東南向而急東北卽趨襄平進至首山淵遣衍等迎戰復擊破之遂進軍造城下爲圍塹會霖雨三十餘日遼水暴漲運船自遼口逕至城下城中糧盡人相

食將軍楊祚等降八月丙寅夜大流星長數十里從首山東北墜襄平城東南壬午淵衆潰與其子修突圍東南走大兵急擊之當流星所墜處斬淵父子晉書宣帝紀作斬淵父子於梁水之上近人吳承志云遼隊爲小遼水入大遼水之處遼口謂渾河卽小遼水運船自此溯渾河入太子河卽大梁水達城下今太子河去城十五里證據自備賈耽道里記考實一吳氏以漢襄平縣治在今遼陽城故言之如此再就魏志晉書考之今遼陽城在首山東北十五里與流星自首山東北墜襄平之方位正相脗合今太子河自北塞外西南流經遼陽城東南轉而西北流距城垣東北隅僅十數丈再折而西流入渾河故運船自遼口入太子河可徑